



Broj: 05-2746-8/16
Sarajevo, 25. 08. 2016. godine

Na osnovu člana 70. Zakona o javnim nabavkama („Službeni glasnik BiH“ broj 39/14, u nastavku: Zakon), preporuke komisije za provođenje postupka nabavke pogonskog goriva za motorna vozila u vlasništvu Agencije za bankarstvo Federacije BiH iz Zapisnika o pregledu i ocjeni ponuda broj: 05-2746-7/16 od 08. 08. 2016. godine i člana 22. Statuta Agencije za bankarstvo Federacije BiH („Službene novine Federacije BiH“ broj 42/04), direktor Agencije za bankarstvo Federacije BiH donosi

O D L U K U

o poništenju postupka javne nabavke pogonskog goriva provedenog putem konkurentskog zahtjeva za dostavu ponuda

I.

Poništava se postupak javne nabavke pogonskog goriva za motorna vozila u vlasništvu Agencije za bankarstvo Federacije BiH, s obzirom da jedina zaprimljena ponuda po predmetnom postupku nabavke ne zadovoljava u cijelosti sve uslove i zahtjeve određene Tenderskom dokumentacijom. Ponuda ponuđača: „HIFA PETROL“ d.o.o. Sarajevo – Vogošća, odbija se kao neprihvatljiva.

II.

U skladu s članom 70 stavom (6) Zakona Agencija za bankarstvo Federacije BiH objavit će ovu odluku na svojoj internetskoj stranici: www.fba.ba, istovremeno s upućivanjem iste ponuđačima koji su učestvovali u ovom postupku.

Obrazloženje

Agencija za bankarstvo Federacije BiH pokrenula je postupak javne nabavke pogonskog goriva za motorna vozila u vlasništvu iste. Obavještenje o nabavci predmetnih roba objavljeno je na Portalu javnih nabavki dana 24. 06. 2016. godine pod brojem 3010-7-1-107-3-20/16.

Kao kriterij za dodjelu ugovora odabrana je najniža cijena tehnički zadovoljavajuće ponude.

U skladu s Obavještenjem o nabavci i Tenderskom dokumentacijom (u nastavku: TD), javno otvaranje ponuda obavljeno je 11. 07. 2016. godine u poslovnim prostorijama Agencije u Sarajevu, Zmaja od Bosne 47b, što je evidentirano u Zapisniku o otvaranju ponuda, u kojem je konstatovano da je ponudu po ovom predmetu nabavke podnio ponuđač: „HIFA PETROL“ d.o.o. Sarajevo – Vogošća .

U skladu s utvrđenom procedurom, shodno članu 65. Zakona, komisija je izvršila pregled i ocjenu ponude navedenog ponuđača, te na osnovu izvršene analize u pogledu zadanih kvalifikacijskih uslova, u Zapisniku o pregledu i ocjeni ponuda konstatovala da isti nije ispunio zahtjev u poglavlju III. TD (Uslovi za kvalifikaciju i potrebni dokazi), tačka 3.4., podtačka 3.4.1 pod a), kojim se od ponuđača zahtijeva da ima na raspolaganju minimalno tri benzinske stanice na području grada Sarajeva, bez obzira da li je benzinska stanica u njegovom vlasništvu ili s istom može raspolagati po nekom drugom osnovu.

Ponuđač je u navedenu svrhu, kao dokaz o ispunjavanju traženih uslova u tom dijelu, dostavio pisanu izjavu da raspolaže s tri benzinske stanice na području grada (Adema Buće, Buća Potok, Zabrđe bb Rajlovac i „Hifa“, Put mladih muslimana bb, Bistrik).

Isti je dalje, u Obrascu za ponudu, u dijelu koji se odnosi na podugovaranje naveo da ima namjeru vršiti podugovaranje u ovom postupku nabavke, precizirajući da će kupac, odnosno ugovorni organ moći nabavljati gorivo koje je predmet nabavke na benzinskoj stanici njegovog poslovnog partnera „Hifa“ Put mladih muslimana bb, Bistrik, u iznosu manjem od 10 % ukupne vrijednosti navedene u okvirnom sporazumu.

Iz navedenih dostavljenih podataka vidljivo je da ponuđač ne ispunjava uslove u ovom dijelu iz razloga što ne posjeduje tri benzinske stanice na području grada Sarajeva, nego dvije, s obzirom da je benzinska stanica „Hifa“, Put mladih muslimana bb, Bistrik, već navedena u ponudi, u dijelu koji se odnosi na ispunjavanje uslova tehničke i profesionalne sposobnosti, kao stanica s kojom ponuđač po određenom osnovu raspolaže u cijelosti, što podrazumijeva oslanjanje na kapacitete drugih kao da se radi o benzinskoj stanici u njegovom vlasništvu, na kojoj kupac može vršiti nabavku goriva u skladu s njegovim potrebama.

Nadalje, u zadanom kvalifikacijskom uslovu navedenom u poglavlju III. TD (Uslovi za kvalifikaciju i potrebni dokazi), tačka 3.4., podtačka 3.4.1 pod a), od ponuđača je zahtijevano da ima na raspolaganju minimalno tri benzinske stanice na magistralnoj cesti M-17, bez obzira da li je benzinska stanica u njegovom vlasništvu ili s istom može raspolagati po nekom drugom osnovu.

Ponuđač je kao dokaz o ispunjavanju ovoga uslova u pisanoj izjavi koju je dostavio uz ponudu naveo da na magistralnoj cesti M-17 ima na raspolaganju pet benzinskih pumpi (Aleja Šehida 20, Zenica, Zmaja od Bosne bb, Zenica, Hotonj bb, Vogošća, Adema Buće bb, Sarajevo, Rodoč bb, Mostar).

Vršeći provjeru dostavljenih elemenata, uspoređujući ih sa zadanim uslovima nadmetanja, utvrđeno je da se dvije navedene benzinske stanice u Zenici, Aleja Šehida 20 i Zmaja od Bosne bb (ulice obuhvataju područje grada Zenice), te spomenute dvije benzinske stanice u Sarajevu, smještene u ulicama Hotonj bb, Vogošća i Adema Buće u Sarajevu, ne nalaze na magistralnoj cesti M-17, pa je zaključeno da ponuđač raspolaže samo s jednom benzinskom stanicom na navedenoj magistralnoj cesti (Rodoč bb, Mostar).

Slijedom navedenog, na osnovu rezultata pregleda i ocjene ponude, komisija je jednoglasno predložila da se ponuda navedenog ponuđača odbije, u skladu s članom 68. stavovima (1) i (4) tačkom i) Zakona, te dala preporuku da se predmetni postupak poništi, u skladu s članom 69. stavom (2) tačkom d) Zakona, s obzirom da ista nije prihvatljiva, što je evidentirano u Zapisniku o pregledu i ocjeni ponuda, broj i datum iz uvodnog dijela ove odluke.

Uvažavajući navedeno, ugovorni organ prihvatio je prijedlog komisije te donio odluku kao u dispozitivu.

Pouka o pravnom lijeku:

Protiv ove odluke može se izjaviti žalba u roku od 5 (pet) dana od dana prijema ove odluke.

Žalba se izjavljuje ugovornom organu u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- učesniku u postupku - "HIFA PETROL" d.o.o. Sarajevo - Vogošća
- a.a.